

Tasiilami aamma Paamiuni suliffissaaleqinerup sulissutigineqarnera pillugu ilisimatitsissut

Ilisimatitsissut

J. nr: EMN-2020-00471

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Suliffeqarnermut Isumaginninnermullu Ingerlatsivimmit suliamik saqqummiussinikkut matumuuna ataatsimiititamut ilisimatitsissutigineqassaaq Tasiilami aqutissiuussineq kajumissaaruteqarnerlu aallartinneqarput, Paamiunilu 2020-mi upernaakkut taama ittumik aallartitsisoqarnissaa pilersaarutigineqarpoq.

Aqutissiuunneqarlutillu kajumissaarneqartussat tassaapput siusinaartumik soraarnerussutisiallit, piginnaangorsaaqqittut sivisuumillu suliffissaaleqisuusimasut siusinaartumillu soraarnerussutisiallit sulisinnaassuseqarnerat timikkut tarnikkullu qanoq piareersimatiginersut paasiniarneqarnissaa siunertarineqarpoq.

Tamatuma saniatigut kommunimi matchgruppe 2-mi inissisimasunut Tasiilami Paamiunilu campussertitsisoqassaaq. Campussertitsineq ukiuni arlalinni maanna ingerlanneqareerpoq.

Ukiuni kingullerni Kommuneqarfik Sermersuumi suliffissaaleqisut ikiliartornikuupput, aamma suliffissaaleqisut sulisinnaasut amerlanerpaat suliffittaarnikuupput. Innuttaasut sulilinngitsut eqqarsaatigalugit innuttaasut sulilernissaraluaminni immikkut aporfigisartagaat qitiutillugit suliniutit iluarsiiviginissaat naleqqussarnissaallu pisariaqartinneqarpoq.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsiviup matuminnga suliniuteqarnermigut Tasiilami Paamiunilu suliffissaaleqisut sulilersinnissaat sulissutigivai. Tamatumunnga atatillugu Tasiilami 2020-mi januaarip qiteqqunnerani aqutissiuussineq kajumissaaruteqarnerlu aallartinneqarput, Paamiunilu 2020-mi upernaakkut taama ittumik aallartitsisoqarnissaa pilersaarutigineqarluni.

Aqutissiuunneqarlutillu kajumissaarneqartussat tassaapput siusinaartumik soraarnerussutisiallit, piginnaangorsaaqqittut sivisuumillu suliffissaaleqisuusimasut aamma ilinniagaqalernissamut imaluunniit ilinniaqqilernissamut timikkut tarnikkullu qanoq piareersimatiginersut paasiniarneqarnissaa siunertarineqarpoq.

Nuummi aqutissiuussineq kajumissaaruteqarnerlu aamma campussimik ingerlatsineq ukiuni misilittaaffigineqarneranit misilittakkat atorlugit Tasiilami Paamiunilu ingerlannissaannut aqqissuussinermut atorneqarput. Tasiilami pikkorissartitsinernut atatillugu angallannerit sulisullu assigisaalu eqqarsaatigalugit immikkut unamminartuusinnaasut qulaajarnissaat siunertaralugit Tasiilami piginnaasanik naliliinernit ingerlanneqareersunit misilittakkat nalilersuinerillu ilanngunneqarput.

Siusinaartumik soraarnerussutisiaqartarneq pillugu inatsit aamma piginnaangorsaaqqinneq pillugu inatsit atuuttut malillugit aqutissiuussineq kajumissaaruteqarnerlu suliarineqarput.

Tamatuma kingunerisaanik sullinneqartut tamarmik immikkut pikkorissarnermi naammassinerini ataasiakkaarlugit qulaajaaffigineranik naammassineqassasut piunasaqaatitaqarpoq.

Tasiilami nunaqarfiinilu suliffissaaleqisut kisitsisinngorlugit katillugit imaapput:

2017		2018		2019		2020		Ikilineri ataatsimut	
Januaari	469	Januaari	416	Januaari	370	Januaari	317	2017-2020	152

Paamiuni Arsummilu suliffissaaleqisut kisitsisinngorlugit katillugit imaapput:

2017		2018		2019		2020		Ikilineri ataatsimut	
Januaari	240	Januaari	163	Januaari	140	Januaari	111	2017-2020	129

Nuummi nunaqarfiinilu suliffissaaleqisut kisitsisinngorlugit katillugit imaapput:

2017		2018		2019		2020		Ikilineri ataatsimut	
Januaari	725	Januaari	572	Januaari	456	Januaari	348	2017-2020	377

Kommuneqarfik Sermersuumi suliffissaaleqisut kisitsisinngorlugit katillugit imaapput:

2017		2018		2019		2020		Ikilineri ataatsimut	
Januaari	1434	Januaari	1151	Januaari	980	Januaari	803	2017-2020	631

Aaqqiisutissatut siunnersuut – suliaticigut naliliineq

Kommuneqarfik Sermersuumi aningaasarsiornikkut ingerlalluortoqarmat suliffissaqartitsiniarnikkullu iliuuseqarneq iluatsilluarmat kommunimi suliffissaaleqisut ikilippat suliffissaaleqisuusullu sulisinnaassuseqartut amerlanerpaat suliffittaareerlutik. Innuttaasut sulilinngitsut eqqarsaatigalugit innuttaasut sulilernissaraluaminni immikkut aporfisartagaat qitiutillugit suliniutit iluarsiviginissaat naleqqussarnissaallu pisariaqartinneqarpoq.

Suliffeqarnermut Isumaginninnermullu Ingerlatsivimmit naliliineq naapertorlugu Paamiuni Tasiilamilu siusinaartumik soraarnerussutisiallit sivisuumillu suliffissaaleqisimasut sulisinnaanermut piginnaasaannik naliliinissamat aqqutissiuussineq kajumissarinerlu pillugit ingerlatsineri paasiassallugit sakkussatsialaapput.

Aningaasatigut sulisoqarnikkullu naliliinerit

VMF Namminersorlutik Oqartussat aningaasaliissuteqarneratigut aningaasaliiffigineqarput Suliap ataatsip matunerani kommune Namminersorlutik Oqartussaniit aningaasatigut 5.000 koruuninik taartisiaqarfigisassavaa. Campus kommunimit aningaasaliiffigineqassaaq, pissutigalugu ingerlatsivimmi Oqartussaaffeqarfimmit Suliffeqarnermut 2,5 mio. koruuninik nuussisoqassagami.

Tasiilami Paamiunilu VMF aamma Campus atorlugit suliffissaaleqisut sulissutigineqanerisa nukittorsarneqarneri aningaasaliissutaareersutigut siuliini taaneqartut aningaasaliiffigineqassapput.

Inatsisitigut tunngavissaq allakkallu tunngaviusumik uppernarsaatitalit

Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Piginnaanngorsaaqqinnissamut ikiorsiisarneq pillugu Inatsisartut pequssutaata allanngortinnissaa pillugu Inatsisartut pequssutaat nr. 3, 1. juni 2006-imeersoq

Ingerlariaqqinnissaq

Suliniutip naammassineqareernerata kingorna suliffissaaleqinerup iliuuseqarfigineqarnera suliffissaaleqineq pillugu suliniuteqarneq Suliffeqarnermut Isumaginninnermullu Ataatsimiititamut ilisimatinneqarumaarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Ilanngussat

Soqanngilaq